

## **ZAPISNIK**

Skupštine Udruženja DAAD Alumni Bosne i Hercegovine

Skupština je održana 21.5.2009 u sali Mašinskog fakulteta sa početkom u 17.30 h.

Skupštini su prisustvovali: Lejla Sadiković, Enisa Omanović-Miklićanin, Vedad Smajlagić, Sanela Mešić, Aleksandra Kostić, Šemsudin Mašić, Enisa Suljagić, Enisa, Brka i Muhamed Brka od članova Alumnia a tu su bili i Christian Koller (DAAD Lektor u Sarajevu), Julia de Cuvelan iz Njemačke ambasade

Skupštinu je vodio mr Vedad Smajlagić.

Predložen je sljedeći:

### **Dnevni red**

#### **1. Izvještaj o dosadašnjem radu**

#### **2. Finansijski izvještaj (Naida Ademović)**

#### **3. Prijedlozi za dalji rad**

- **Rad sa medijima, reklamiranje DAAD Alumni-a, promocija po većim Univerzitetskim centrima**
- **Redovni sastanci sa ambasadorom Republike Njemačke u BiH**
- **Organizovanje sastanaka članova DAAD Alumni-a B. Luka i Tuzla (even. Mostar i Zenica)**
- **Organizovati sastanke sa predstavnicima njemačkih firmi u BiH sa ciljem osiguravanja mjesta studentima za praktičan rad.**
- **Upit prema ambasadi za dodjelu 2-3 mjesta za praksu studenata.**

#### **4. Razno**

#### **5. Izbor novog rukovodstva**

#### **6. Zaključci**

#### **1. Izvještaj o dosadašnjem radu**

Izvještaj je podnio doc.dr. Muhamed Brka. U odnosu na prošlogodišnje zaključke skupštine Udruženja, nije mnogo postignuto što se opravdava zauzetošću članova. Također, naglašeno je da samo mali broj članova Udruženja aktivno učestvuje u radu.

U toku godine prošle godine, pozitivnim je ocijenjena promocija Udruženja. Potvrda navedenom je povećanje broja aplikanta za stipendije DAADa. 2008. godine 22 aplikanta su dobili stipendije a 2009. taj broj se povećao na 37.

U toku godine, provedeni su zaključaci da se članarina poveća na 20 KM i da se dobije izvještaj o stipendijama od gospodina Kolera.

Izražen je pozitivan stav o izgledu i sadržaju web stranice Udruženja. Izvršeno je poređenje sa web stranicama Alumni udruženja u Hrvatskoj i Francuskoj.

Promocija Udruženja u medijima nije urađena. Ovom pitanju će se posvetiti više pažnje u tekućoj godini.

Sastanak sa ambasadorom je izazvao odobravanje članova i zaključeno je da se sa ovom praksom treba nastaviti.

Sve informacije su redovno proslijeđivane članovima. Informacije vezane za stipendije u ovoj godini proslijedit će se bez učešća ambasade.

U ime udruženja, dr. Brka se zahvalio gospodinu Kristijanu Koleru koji napušta Sarajevo.

Gđa de Cuvelan je predložila da se 3.10.2009. održi koncert za stipendiste DAADa i članove Udruženja u rezidenciji ambasadora. Zaključeno je da bi koncertu trebali prisustvovati svi ministri obrazovanja iz Bosne i Hercegovine.

## 2. Finansijski izvještaj

U ime Naide Ademović, koja nije mogla prisustvovati Skupštini, izvještaj je izložio dr. Brka. Napravljena je usporedba sa proteklm godinama u odnu su na broj članova Udruženja i finansijsko stanje:

Godina	Ukupan broj članova	Broj članova Udruženja koji je platio članarinu	Stanje na računu (KM)
2006	60	33	325,03 – troškovi vođenja računa
2007	60	37	636,00
2008	61	27	837
2009	62	15	981 – (troškovi vođenja računa + troškovi doručka sa ambasadorom)

Članovi Udruženja su izrazili svoju zahvalnost gđi Ademović za vođenja računa.

### **3. Prijedlozi za dalji rad**

- **Rad sa medijima, reklamiranje DAAD Alumni-a, promocija po većim Univerzitetkim centrima**
- **Redovni sastanci sa ambasadorom Republike Njemačke u BiH**
- **Organizovanje sastanaka članova DAAD Alumni-a B. Luka i Tuzla (Mostar i Zenica)**
- **Organizovati sastanke sa predstavnicima njemačkih firmi u BiH sa ciljem osiguravanja mjesta studentima za praktičan rad.**
- **Upit prema ambasadi za dodjelu 2-3 mjesta za praksu studenata.**

#### **3.1. Rad sa medijima, reklamiranje DAAD Alumni-a, promocija po većim Univerzitetkim centrima**

Nakon diskusije, zaključeno je da je neophodna bolja promocija Udruženja u drugim univerzitetkim centrima u BiH (Banja Luka, Zenica, Mostar itd). Također, promocija se mora izvršiti kroz različite medije.

Usvojen je prijedlog dr. Brke da se postavi štand sa promotivnim materijalom u Ferhadiji, ispred katedrale. Odlučeno je da se aktivnost odvija 26.9.2009. na svjetski dan jezika.

Najjači intenzitet promocije Udruženja i mogućnosti stipendiranja treba biti u septembru.

#### **3.2. Redovni sastanci sa ambasadorom Republike Njemačke u BiH**

Bazirano na pozitivnim iskustvima iz susreta sa ambasadorom, zaključeno je da se sastanci sa ambasadorom republike Njemačke trebaju održavati 3-4 puta godišnje.

Naredni sastanak održat će se 3.10.2009. za kada je planiran i koncert u rezidenciji ambasadora.

#### **3.3. Organizovanje sastanaka članova DAAD Alumni-a B. Luka i Tuzla (Mostar i Zenica)**

Neophodno je organizovati sastanke sa članovima udruženja sa drugih univerziteta u Bosni i Hercegovini. U sastanke je neophodno uključiti i novog lektora koji treba doći u Sarajevo.

Prvi takav sastanak organizovat će se najvjerojatnije na univerzitetu u Banja Luci.

predloženo je da dva sastanka budu u periodu prije predavanja aplikacija za stipendije.

#### **3.4. Organizovati sastanke sa predstavnicima njemačkih firmi u BiH sa ciljem osiguravanja mjesta studentima za praktičan rad.**

Predstavnicima ambasade republike Njemačke predloženo je da se, uz pomoć ambasade, organizuju sastanci sa predstavnicima njemačkih firmi u cilju obezbjeđenja mjesta za obavljanje prakse.

Za ovakav korak, neophodno je tražiti pomoć bosansko-njemačke privredne komore.

#### **3.5. Upit prema ambasadi za dodjelu 2-3 mjesta za praksu studenata.**

Predstavnicima ambasade republike Njemačke je dat prijedlog za pomoć pri organizaciji prakse studenata iz BiH u Njemačkoj.

#### **4. Razno**

Pod ovom tačkom nije ništa razmatrano.

#### **5. Izbor novog rukovodstva**

Dr. Brka je dao prijedlog za imenovanje novog rukovodstva. Za predsjednika se predlaže mr. Vedad Smajlović, za blagajnika – gdje Naida Ademović.

Mr. Smajlović je predložio da se mandat sadašnjem rukovodstvu produži za godinu dana.

Drugi prijedlog je usvojen uz jedan glas protiv.

#### **6. Zaključci**

- Usvojen izvještaj o radu.
- Usvojen izvještaj o finansijskom radu.
- Usvojeni prijedlozi za promocije ideje i aktivnosti Alumni kluba.
- Dat prijedlog za redovnije sastanke sa ambasadorom.
- Usvojen prijedlog o sastancima sa drugim članovima na univerzitetima u BiH.
- Pokrenuta inicijativa da se dogovore sastanci sa firmama na kojima će se raspravljati o mogućnostima obavljanja prakse za studente sa BiH univerziteta.
- Usvojen prijedlog mr. Smajlovića da se istom rukovodstvu produži mandat za još jednu godinu.

Zapisnik napravila:

Doc.dr. Enisa Omanović-Miklićanin